

**GLEN THODÉ: STEM
VAN NEDERLAND, NIET
VAN DE EILANDEN**



WWW.SOLODIPUEBLO.COM



SOLODIPUEBLO@GMAIL.COM


**Fraccion di MEP:
MIKE EMAN A ENTREGA
MUCHO LIHE, E MESTER
A PARA MAS FIRME**



**FISCAL A EXIGI 7 AÑA DI PRISON PA 4
VENEZOLANO DEN BOTO CU 468 KILO DI
MARIHUANA Y 104 KILO DI COCAINA**

**CERA CONOCI CU
PELUZIN PAYASO
INTERNACIONAL
DI CIRCO
HERMANOS SUAREZ**

**Gran
debut
dia
3 di
october
proximo**



FIRMA NO NA RIJKSWET!

UNDA PA FIRMA

13 SEPTEMBER PARADERA: DILANTI DI MFA 5.00-7.00 PM

17 SEPTEMBER NOORD: BANDA DI MFA 5.00-7.00 PM

19 SEPTEMBER ORANJESTAD: DILANTI DI RCA 5.00-7.00 PM

20 SEPTEMBER STA CRUZ NA CEDE DI MEP 5.00-7.00 PM

"Gobierno ta poniendo nos autonomia na peliger. Nan kier duna Hulanda e poder pa dicidi riba abo y Aruba. Nos no por acepta esaki" Pesey ta organisando un Accion di Firma cu lo wordo manda prome cu dia 28 sept via e "internet consultatie" pa muestra cuanto preocupacion tin pa cu e ley aki na Aruba.

KEN POR FIRMA?

Tur hende cu ta biba na Aruba cu ta mayor di edad. No por firma anonimo.

**NA 1977 PUEBLO DI ARUBA A FIRMA PA UN STATUS AUTONOMO PA ARUBA. AWE NA 2025 TA NOS BEURT PA FIRMA ATROBE PA CONSERV'E.
ARUBA MESTER DI BO AWOR, PASA Y FIRMA**

CERA CONOCI CU PELUZIN PAYASO

INTERNACIONAL DI CIRCO HERMANOS SUAREZ

Gran debut dia 3 di october proximo

Peluzin Jr., a nace na Lima, Perú, un payaso di dos generacion cu a hereda e arte y pasion di mundu di circo. For di chikito e tabata envolvi den e magia di circo y a haya den humor sin palabra su seyo personal, un estilo cu a permiti di dje pa conecta cu publico di tur edad y cultura sin nesesidad di palabra, solamente cu gesto, acontecimiento y un gran expresion.

Cu mas di 20 pais cu Peluzin Jr a bishita den su trayectoria artistico, Peluzin Jr. a yega di trece alerga na miles y miles di persona pa menciona algun den

e famoso festival Internacional di Circo y hopi eventonan special, consolidando su mes como un di e artistanan mas stima den e mundo di payaso contemporaneo.

Su personahenan ta combina ternura, 'picardia' y creatividad cu ta distingi den dje den tur presentacionnan cu di e forma aki ta konkista curazonnan di tanto mucha como adulto. Awor aki, Peluzin Jr. ta forma parti di e prestigioso Circo Hermanos Suarez, cual a logra presenta riba diferente escenario den Latinoamerica y Caribe, cosechando aplauso,



reconocemento y cariño di e publico presente den cada funcion.

Mas cu simplemente un payaso, Peluzin Jr. ta un embahador di sonrisa, conoci cu su arte di circo cu ta crea un union entre cultura y un idioma universal cu nunca ta perde su emocion.

Invitacion pa henter pueblo di Aruba, presencia e bunita show di Circo Suarez desde 3 di october proximo na Harbour Arena.

GLEN THODÉ: STEM VAN NEDERLAND, NIET VAN DE EILANDEN

De recente uitspraken van Glen Thodé over de rijkswet die Aruba boven het hoofd hangt, tonen nogmaals wie hij werkelijk dient. Volgens Thodé reageert de oppositiepartij MEP "emotioneel" en zou zij enkel proberen stemmen te winnen. Deze woorden zijn niet alleen misplaatst, ze verraden ook een diepe minachting voor de democratische oppositie en voor de zorgen van het volk.

Wie is Glen Thodé eigenlijk?

Thodé heeft zijn wortels op Bonaire, maar zijn carrière en loyaliteit liggen al jaren stevig verankerd bij de Nederlandse regering. Hij was gezaghebber van Bonaire in de cruciale periode rond 10-10-10. Toen de bevolking zich in een referendum wilde uitspreken over de keuze tussen een status aparte of gemeentelijke aansluiting bij Nederland, was het Thodé die de referendumverordening liet opschorten en richting vernietiging

stuurde. Het volk mocht zijn stem niet laten horen. (Precies zoals Den Haag het wilde.)

Is dit toeval? Nee. Thodé heeft keer op keer laten zien dat hij liever het Koninkrijk dient dan zijn eigen eiland. Zijn antwoord is altijd hetzelfde geweest: "ja baas".

Een man van Den Haag
Vandaag woont Thodé niet eens meer op de eilanden. Hij bekleedt tientallen functies, vrijwel allemaal in of rondom Nederlandse instellingen. Altijd netjes geplaatst binnen de netwerken van Den Haag, altijd netjes in de pas. Een slimme man, ja — maar niet een die de pijn, strijd en zorgen van ons volk deelt.

En toch voelt hij zich geroepen om de Arubaanse politiek de les te lezen. Om MEP, de grootste oppositiepartij, neer te zetten als emotioneel, onvolwassen, opportunistisch. Maar wie is Glen Thodé om dat te zeggen? Een

man die eerder de stem van het Bonairiaanse volk smoorde, en nu vanuit Nederland dezelfde rol speelt: de boodschap van Den Haag sussen, de kritiek neutraliseren, de eilanden kleineren.

Geen woord van waarheid
Wat hij over de rijkswet beweert, klopt simpelweg niet. Hij verkleint de gevaren en doet alsof de oppositie spookbeelden ziet. Maar wij kennen dit spel. Net zoals in 2010 wordt de waarheid verdraaid om de belangen van Nederland veilig te stellen.

En waarom komt hij nu plots uit de schaduw? Omdat Nederland hem stuurt. Omdat Den Haag weet dat hij bereid is om hun agenda te verdedigen, ook als dat betekent dat hij het volk dat hem ooit vertrouwde verraadt.

Onze boodschap
Laten we duidelijk zijn: Glen Thodé is niet de stem van Aruba, noch van Bonaire, noch van de Cariben.



Hij is de stem van Nederland. Zijn woorden verdienen geen respect, maar wantrouwen. Aruba heeft geen behoefte aan valse profeten die de pijn van het volk bagatelliseren. Wij willen leiders die het Koninkrijk durven tegenspreken, die de democratie verdedigen, en die bovenal trouw zijn aan hun eigen land en volk. Het volk vergeet niet.

En het volk doorziet wie er werkelijk spreekt wanneer Glen Thodé zich mengt in ons debat.

Editorial Solo di Pueblo

Parlamentario Evelyn Wever-Croes Fraccion di MEP a reuni cu sindicatonan **NAN TAMPOCO TIN MUCHO INFORMACION DI RIJKSWEET HOFA**



ORANJESTAD - Fraccion di MEP ta haciendo rondanan di consulta cu gremionan sindical pa asina comparti mas tanto informacion posibel di e rijkswet HOFA. Sindicatonan cu ya Fraccion di MEP a reuni cu nan ta SPA SADA SIMAR SIMBA TOPA SEPPA STT FTA. E reunionnan ta bayendo hopi bon, den cual ta intercambia di idea y opinionnan.

“Nos mes di Parlamento a wordo desagradablemente sorprende cu gobierno a bay tras di lomba di parlamento entrega un

ley na Hulanda. P’esey nos kier a sa sigur si gremionan ta informa di e ley aki, pasobra e ley di reino HOFA por tin implicacionnan pa nan. Mi ta gradici e lidernan sindical pa a acudi na nos reunionnan. Ya caba nos a tene dos reunion, y otro siman lo continua”, lider di MEP Evelyn Wever-Croes a duna di conoce.

Manera ta conoci durante gabinetenan Wever-Croes 1 y 2, gobierno a hiba hopi ronda di consulta cu gremionan prome cu tuma pasonan grandi asina den negociacion cu Hulanda.



Gobierno ta bisa cu nan a yega haya 90% di e trabou cla; si esey ta corecto mes, pa e 10% cu nan a negocia y acorda cu Hulanda, nan MESTER a check prome

cu Parlamento si tin consensus. Gobierno no a haci esey.

Den e fase aki, cu ya e erorta cometi, ta hopi importante

pa henter comunidad, y sigur gremionan comercial y sindical tin tur informacion pa asina informa nan miembronan.



Cuminsando cu 4 florin, bo por gana e suma grandi aki

Afl. 675.000,-

Obtenibel na cualkier rebendedo di Lotto.

sorteo ta awe nochi 7:45 pm



HUNGA AWO





Noticia di Corte

FISCAL A EXIGI 7 AÑA DI PRISON PA 4 VENEZOLANO DEN BOTO CU 468 KILO DI MARIHUANA Y 104 KILO DI COCAINA

ORANJESTAD – Awe mainta e hombernan Venezolano J.B.R., J.P.G., A.H.A. y R.J.G. a presenta den Corte pa e caso penal cu Ministerio Publico a cuminsa contra nan. Tur ta wordo sospecha di importacion di lote grandi di droga.

SOLO DI PUEBLO por a compronde cu Guarda Costa a tira riba e boto cu no kier a para y a confisca 23 bulto di droga.

TIRA RIBA BOTO Y HAYA 23 BULTO DI DROGA

Hues a bisa cu segun e relato di Guarda Costa, dia 23 Februari 2025, a intercepta un boto procedente di Venezuela. E miembronan di Guarda Costa a mira cu hendenan tabata tira bultonan di droga den laman y tabatin un cabuya cu bultonan mara na boto.

Door cu e boto no kier a para, miembronan di Guarda Costa a tira riba e motornan di e boto pa asina e boto a para. En total a confisca 23 bulto y investigacion a muestra cu den e bultonan tabatin 468 kilo marihuana y 104 kilo di cocaína.

TUR SOSPECHOSO TA NENGA

Hues a cuminsa puntra e sospechosonan tocante e bultonan di droga. Ta asina cu J.B.R. y J.P.G. ta nenga cu un di nan tabata e capitan. A.H.A. y R.J.G. ta nenga cu un di nan tabata capitan y ningun a tira bultonan di droga den laman. Hues a bisa cu ta straño pasobra Guarda Costa a mira e bultonan tabata wordo benta den

laman. Segun J.B.R., el a paga pa bin Aruba pa traha pa mantene su famia na Venezuela. El a reclama cu Guarda Costa a trat'e malo ora el a pidi ayudo pasobra e tabata sinti malo.

El a bisa cu el a wordo maltrata. E otro sospechosonan tambe a bisa cu nan a wordo maltrata formal door di miembronan di Guarda Costa. Hues a remarca cu mirando e situacion, por a spera cu Guarda Costa lo actua pasobra e boto no kier a para. Hues tambe a bisa cu con por ta posibel cu tin asina hopi droga riba boto y ningun di e sospechosonan no a mira nada.

FISCAL A EXIGI 7 AÑA DI PRISON

Fiscal a bisa Hues cu dia 23 Februari 2025, centro di informacion (CID) a notifica Guarda Costa cu tin un boto di 8 meter largo a sali for di Venezuela cu hende y droga abordo biniendo direccion pa Aruba. Esaki tabata den oranan di dia y no anochi. Guarda Costa a intercepta e boto den awanan territorial di Aruba. En total 23 bulto di droga a keda confisca. 19 bulto tabata benta den laman. Fiscal a bisa cu esaki ta importacion di cantidad grandi di marihuana y cocaína.

Fiscal a remarca cu tur cuater sospechoso ta desmenti di ta envolvi den e importacion. Ningun ta bisa kende tabata e capitan. Tur ta bisa cu nan tabata sinta dilanti den e boto. Na opinion di Fiscal, ta hopi straño cu nan tur tabata sinta dilanti y no tin capitan.

Fiscal a bisa Hues cu e no ta kere declaracion di e sospechosonan. El a muestra cu miembronan di Guarda Costa a mira hendenan ta tira bultonan di droga den laman y a mira R.J.G. na e motornan. Pero awor segun e sospechosonan, ta e miembronan di Guarda Costa ta gaña.

Fiscal ta haya nan turta complice di importacion di droga. Na opinion di Fiscal, e grupo aki ta forma parti di un organizacion criminal cu ta dedica su mes na trafication di droga. Fiscal a enfatisa cu aki ta trata di importacion y no exportacion di droga. El a tuma e grupo na malo cu nan no para responsabel, pa loke nan a haci.

Fiscal a exigí pa tur cuater sospechoso 7 aña di prison. Tambe el a exigí pa e boto cu 12 jerry can di gasoline keda confisca.

ABOGADO

Mr. Lee a bisa Hues cu tur cuater sospechoso a muestra cu nan a wordo maltrata disproporsional door di miembronan di Guarda Costa. El a pidi Hues pa tene cuenta cu esaki. E abogado ta haya cu e detencion ta inhusto. El a muestra cu un di nan cu a wordo malamente maltrata, no a haya atencion medico. E abogado a pidi Hues pa reduci e castigo exigí pa Fiscal drasticamente door di esaki. E ta haya e exigencia di Fiscal disproporsional.

Hues a sera tratamiento di e caso y a bisa cu 3 October 2025 lo tin sentencia.

AMBULANS A BAY NA UN OFICINA DI UN FYSIOTHERAPIE PA UN HOMBER DI RIBA 70 AÑA CU TA PAPIA COS BRUHA

Diahuebs merdia a drenta informe di cu tin un homber di riba 70 aña ta papia cosnan bruha na e consultorio, mesora a dirigi un

ambulans na e sitio.

Na yegada di e ambulans nan a atende cu e persona y a transporte pa hospital.



Fraccion di MEP: MIKE EMAN A ENTREGA MUCHO LIHE, E MESTER A PARA MAS FIRME

ORANJESTAD - Desde 28 di maart, gobierno di AVP/Futuro ta negociando riba nivel di gobierno cu secretario di estado di Asuntonan Interno y Relacionnan di Reino di Hulanda. Pero te awe nos no sa ki topiconan nan a discuti, ni tampoco con e discusionnan ey a bay. Atrobe ta falta transparencia.

E preocupacion di fraccion di MEP ta cu Minister-President Eman a duna su consentimiento demasiado lihe y no a tene suficiente cuenta cu e condicionnan cu Parlamento di Aruba, y specialmente e fraccion di MEP, a pone cla cu mester wordo bon negocia.

Pa Fraccion di MEP, tres punto tabata esencial. Ta trata 3 punto cu Gobierno di MEP no a yega na acuerdo ainda cu Hulanda,

ora a sali di gobierno:

1. ☐ ☐ Un exit-clausule cu ta cla pa tur hende y no por bira discusion. Aruba no por compromete su mes pa entrega su autonomia pa semper, sin un fecha realisabel pa sali for di acuerdo. Den e ley cu AVP/Futuro a aproba, e areglo pa sali di e ley di reino ta sumamente complica y por wordo interpreta diferente. Pues e no ta algo realistico.

2. ☐ ☐ Normanan financiero rasonabel y realisabel. Nos no por firma acuerdo cu despues ta imposible pa cumpli cun'e y cu ta pone mas presion riba nos pueblo y nos economia. Den e ley cu nan a entrega na Hulanda por mira con, contrario na e consejo di IMF, a ancla demasiado norma den e ley di reino, dicen?



3. ☐ ☐ E beneficio di interes reduci mester ta general. No solamente pa e prestamonan di COVID, pero pa tur deuda nacional existente – incluyendo e debe cu Mike Eman su gabinetenan anterior a redobla - y tambe pa tur financiamiento futuro. Den e ley cu AVP/Futuro a acorda cu Hulanda, ta inclui solamente e prestamo di COVID. Pa demas fianza, lo mester sigui negocia.

Esaki ta algun di e motibonan cu Fraccion di MEP ta di opinion cu e ley di reino ta perhudica Aruba. Pa e motibo aki Fraccion di MEP a dirigi un carta pa exige clarificacion di e minister president, con el'a entrega asina liher.

“Mi ta hopi preocupa cu, no obstante e instruccionnan cla cu nos a duna como Parlamento, e minister-president no

a respeta esaki. El a sinta na mesa di negociacion sin defende tur condicion cu e Parlamento a pone. E resultado ta cu Aruba a haci concesion, sin ricibi garantianan suficiente bek. Aruba ta merece un liderazgo cu ta para firme pa defende Aruba, no un liderazgo cu ta entrega y baha cabes demasiado liher”, lider di Fraccion di MEP Evelyn Wever-Croes a duna di conoce.

BISHITA DI FUNDACION CARDIOINFANTIL NA ORGANO EHECUTIVO AZV

Recientemente Fundacion Cardioinfantil miho conoci como ‘La Cardio’ tabata di bishita na AZV pa conhuntamente haci un evaluacion di e desaroyo di asegurado cu a bay cerca nan pa haya tratamiento. A discuti e.o. tratamiento como pashent ‘interna’ of ambulatorio, duracion di estadia y cierto casonan specifico. Alabes a tene reunion cu nos departamento di facturacion y nos auditoria (na Colombia) pa discuti desafionan cu tin den e proceso di

facturacion cu meta pa soluciona e retonan aki.

Otro momento importante di e bishita tabata ora cu a sinta cu e departamento encarga cu remision di asegurado pa La Cardio.

Den tal reunion a papia tocante e colaboracion medico y logistico. Tambe a trece puntonan di mehoracion dilanti pa asina e cuido y experiencia di e asegurado y acompaÑante mehora.



ARUBA BANK A HACI UN DONACION NA FUNDACION CHICO HARMS

En conexion cu celebracion di Dia di Brazil



Oranjestad – 12 di september 2025 - Aruba Bank ta contento di por ta un sponsor di e celebracion di Dia di Brazil, cu e vibrante Parada di

Lantern y Parada Cultural, cu a tuma lugar durante e fin di siman. E festividadnan colorido y yen di energia a uni e comunidad pa celebra e




laso cultural. Como e banco local pionero di Aruba, nan ta reconoce cu ta importante pa stimula intercambio cultural, cu ta uni e orguyo comunitario. Cu nan sosten pa evento manera Dia di Brazil, nan ta reafirma nan compromiso pa celebra diversidad, fortalece e lasonan comunitario, y contribui

na e bida cultural vibrante di Aruba. Aruba Bank su balornan ta basa riba comunidad, inclusividad y progreso. Nan ta kere cu celebracionnan cultural manera esaki ta muestra e bunitesa di union, y ta inspira alegria, creatividad y conexion entre generacionnan.

Aruba Bank ta felicita di curason e organisadornan, participantenan y henter comunidad pa logra cu e festividadnan di Dia di Brazil di e aña aki tabata un exito real. E banco ta sigui dedica pa duna sosten na iniciativanan cu ta celebra nan herencia cu ta comparti y ta enrikese e cultura di Aruba.

ACCIDENTE CU HENDE HERIDA NA E CRUSADA DI MOKO



Diahuebs merdia a drenta informe di un accidente cu hende herida na e crusada di Moko, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente pa falta di preferencia unda un Mazda a subi e crusadapero no a mira e Kia Rio y a bay dal e den banda. E dama chauffeur di e Rio



no a sinti su mes bon y a yama ambulans p'e. Na yegada di e ambulans nan a atende e dama.

CELEBRACION 95 ANIVERSARIO DI CAMARA DI COMERCIO Y INDUSTRIA



Oranjestad – Diahuebs, 11 di september 2025, Camara di Comercio (KvK) a celebra su di 95 aniversario cu un networking reception na Zima Rooftop Bar na JOIA. Directiva y Personal di KvK tabatin e honor pa ricibi algun stakeholders, entre otro relacionnan empresarial, ex-presidentenan, ex-miembronan di Directiva y sponsors di e evento WEB Aruba, VCC International y Sagicor Life, pa hunto conmemora y celebra e logro significativo aki.

Desde su establecimiento na aña 1930, Camara di Comercio a hunga un rol fundamental den desaroyo economico di Aruba y a fungi como un institucion di confiansa pa empresanan den tur sector. Durante casi un siglo, KvK a dedica su mes pa sostene y guia negoshinan, stimula inovacion y promove desaroyo economico sostenibel na Aruba.

E 95 aniversario di KvK ta un motibo di orguyo, no solamente

pa e organisacion mes, pero tambe pa henter comunidad empresarial. Durante decadanan, cumpliendo cu su teareanan manera stipula den ley, KvK a representa comercio, yudando empresanan pa establece y crece riba mercado, duna conseho y percura pa fortalece laso cu sector publico. KvK ta sigui comprometi pa continua cu e papel importante aki, cu bista riba e proximo 'milestone', cual ta e centenario.

E celebracion a duna oportunidad pa reflexiona riba e trayectoria largo di KvK, como tambe un

ocasion pa enfoca riba futuro y con comercio lo evoluciona den e añanan benidero. Invitadonan a gosa di intercambio significativo, comparti experiencianan y celebra e progreso di sector empresarial di Aruba.

Camara di Comercio ta expresa su aprecio sincero na tur su clientenan, partners, stakeholders y sponsors pa nan confiansa y colaboracion durante tur e añanan. Hunto nos kier sigui construi un comunidad empresarial resiliente y prospero pa Aruba. Aruba, 12 di juni 2025 Camara di Comercio y Industria (KvK)

Clasificados










SOLODIPUEBLO@GMAIL.COM

CEL. 585 9500



Parlamentario Edgard Vrolijk:

BREVET VAN ONVERMOGEN PA

PARLAMENTARIO JENNIFER ARENDS -REYES,

AVP Y FUTURO -1-

Mi persona no sa atende mucho mas cu kico coalicion ta trece dilanti, paso bo ta perde tempo y sigur no ta contribui en absoluto na conocimiento. Pero pa e topico di rijkswet mi ta reaciona riba un articulo di sra Jennifer Arends-Reyes cu lagami sorprendi pa su escogencia di palabranan, pero sigur su amor pa e pais aki y principalmente pa e capacidad di nos hendenan pa tuma decision y atende cu retonan financiero. Mi lo atende cu dos ponencianan treci dilanti cu nos ta bao control financiero caba y cu e ley di Reino (rijkswet) ta un continuacion di un realidad cu ya ta existi caba y sigur cu e e palabra autonomia no ta simbolo di Libertad pero ta usa autonomia como simbolo di miedo.

E ley di Reino ta continuacion di supervision cu ta existi caba, mester di e ley aki actualmente Tin di atende cu sra Jennifer Arends -Reyes riba esaki y tin di cord'e cu e ta parti di e historia scur di Aruba. Como Parlamentario di fraccion di AVP di 2013 – 2017 su persona no tabatin e pudor di para pa pais Aruba y su persona mester a percura pa bon maneho financiero, pero a opta pa ta un stempelparlement y tabata sostene presupuestonan cu deficitnan cu ta core riba 400 miyon florin sin un hustificacion, ministernan cu ta pasa nan presupuesto cu 1000% y tabata vota voor wowo cera. Esakinan a causa cu bao nanishi di sra Jennifer Arends -Reyes nos como pais a haya na 2014 un KB paso Hulanda a cansa di wak un Parlamento den winterslaap. E KB su base ta articulo 43 inciso 2 di Statuto unda pa mal maneho financiero Hulanda mester a actua

y kita esaki temporariamente di Aruba y tambe a kita e rol di Parlamento cu mester sigui desde 2025 locual CAft dicta. Y pa recorda cu politica ta cruel cu ta sra Jennifer Arends-Reyes mester a pasa e ley di LAft na 2015 pa por a incorpora un organo Hulandes pa maneha fianzas di pais Aruba. E tempo ey Hulanda por a institui un Ley di Reino pero no a haci'e y cu motibo valido cu awo no tin. Y awe e mesun Parlamentario aki sra Jennifer Arends-Reyes, cu ta parti di e historia scur di endeudamento di Aruba, parti di e KB ricibi y ta e persona cu a institui CAft por medio di un ley local conoci como LAft, kier bin papia di continuidad di supervision. Y e pregunta ta: nos situacion financiero ta mescos cu na 2014 ora a haya KB pa mal maneho financiero?

Na 2025 nos ta papia di bon maneho financiero na Aruba Na 2014 ora Hulanda duna Gabinte Mike Eman II un KB pa mal maneho financiero, nos pais den 5 aña a redobla su debe nacional, tabata riba caminda pa tin 93% di nos GDP na debe, sin conta e proyectonan PPP cu tabata off balance y sin placa alocada den presupuesto pa nan ser paga. Pues un situacion penoso unda nos presupuestonan ta core cu deficitnan entre 300 y 444 miyon pa aña cu a causa un daño enorme creando debenan desproporcional y sin control. Na e momentonan aki ora bo habri e ley nobo HOFA di Reino di Gabinete AVP-FUTURO bo ta lesa di protocol 2013, 2015, 2018 cu tur a caduca y un Bestuurlijk Akkoord cu lo bay traha pa wak si por yega na un ley nobo di Reino pa por tin miho interes ,pero si no logra lo mester



paga interes mas halto a base di un mocion di Hulanda den Tweede Kamer.

Esaki ta pa pueblo compronde cu sin ley di Reino mes Tweede Kamer a haci abuso cu Aruba di impone un sancion di 6,9% di interes, sin cu Tweede Kamer mester por influencia e Gobierno di Reino pero mane nos tur sa cu ora papia di Gobierno di Reino bo mester djis conclui e Gobierno Hualndes. Ora lesa e ley nobo aki di Reino HOFA di Gabinete AVP-FUTURO ni un caminda ta papia di e situacion actual di Aruba na 2025 pero ta bay bek den tempo di sr Mike Eman y Gabinete Mike Eman I y II y ta haci manera ta esey ta e base pakico mester bin c'un ley di Reino, mientras nos como Aruba su debe na 2025 a yega 70% di nos GDP, nos a logra haal in nos jaarrekeningnan, nos tin bon ratings di instancianan internacional cu nos no tabatin, nos tin surplus structural di mas cu 500 miyon florin, pues Aruba ta hibando un bon maneho financiero compara cu na 2014 cu a haya KB. Pues no tin ningun motibo valido pa hustifica pa eleva e supervision financiero na nivel di Reino y sigur

unda cu Parlamento di Aruba ta bira obsuleto y AVP y FUTURO ta opta pa hinca nos supervision financiero completo den man di Gobierno di Reino y Parlamento Hulandes unda cu 150 hende cu no conoce nos mes y na 9.000 kilometer leu di nos lo mester dicide riba nos sin conoce nos cultura ni nos necesidadnan.

Kico ta autonomia pa sra Jennifer Arends -Reyes?

Pa sra Jennifer Arends- Reyes autonomia ta simbolo di miedo. Mi ta lamenta e expresion entreguista aki y ta bon pa sra Jennifer Arends-Reyes bay den historia y sigur papia cu nos grandinan cu a lucha pa nos Status Aparte y cu danki na lucha di nos grandinan cu nos por a crece como pais. Prome cu 1986 tur nos placa di impuesto tabata bai Corsou y nan tabata dicide pa nos kico por haya bek di e placa aki y sigur cua peticion por ser honra. Cu sra Jennifer Arends -Reyes no a percura pa controla nos finanzas y a permiti pa malgasta e fondonan di pueblo, no ta dun'e e autoridad di simbolisa autonomia como miedo, pero autonomia ta libertad di un pueblo pa scoge locual ta miho pa su pais.

Continuacion pag. 9

Parlamentario Edgard Vrolijk:

BREVET VAN ONVERMOGEN PA PARLAMENTARIO JENNIFER ARENDS -REYES, AVP Y FUTURO -2-

Continuacion dipag 8

Mi ta coy e mesun ehempel cu sra Jennifer Arends-Reyes a usa den su comunicado: si nos como pais dicidi di usa e 1% di surplus pa inversion, kizas den un prison nobo of un scol nobo, Hulanda ta duna nos KB y esaki ta netamente e libertad cu e pueblo aki a busca na 1986 cu nos por tuma nos decision na bienestar di nos pais.

Unda cu si nos mester un prison of scol nobo, nos por haci e inversion aki sin mester bay puntra/haya aprobacion. Cu e ley nobo di Reino cu AVP y FUTURO a entrega tras di lomba di pueblo, nos ta bay bek pio cu prome cu 1986, pa motibo cu awo nos tin di haci peticion na Gobierno di Reino (lesa Hulanda) y unda cu un instancia CAft cu ta duna conseho na Gobierno Hulandes mester dicidi si nos por desvia di e normanan si of no. Si no ta di acuerdo bo wel di lubida

y nan decision ta bay pa Tweede Kamer y unda nos Parlamento no tin nada di bisa y mester djis ehecuta locual cu Gobierno di Reino (lesa: Hulanda) y CAft y Tweede Kamer dicidi pa nos.

Ta con sra Jennifer Arends -Reyes ta kere nos a haya e sancion di 6,9%? Ta di Parlamento di Hulanda a bin cu e sancion aki y Gobierno di Reino cu ta alabes tambe Gobierno di Hulanda Mirando e verhouding den esaki y unda nos como pais den e conseho di Reino no tabatin ningun influencia riba un sancion imponi door di Parlamento di Hulanda.

Si sra. Jennifer Arends -Reyes haci uso di su derecho di amienda pa acomoda fondo pa drecha of placa pa maestronan haya aumento di salario, e amienda aki mester bay Gobierno di Reino prome cu ta mand'e pa CAft y esaki ta duna

conseho. Si nan bisa no... .dobla warda . Pues sra. Jennifer Arends-Reyes como parlamentario mes ta perde su derecho di amienda y asina nos Parlamento una bes cu e ley di Reino aki pasa ta bira e organo di ehecucion di CAft y Gobierno di Reino. Y e postura di sra Jennifer Arends-Reyes ta gewoon un mentalidad di entreguista y kier tapa y hustifica su mal trabao como parlamentario di 2013-2017 unda cu a permiti deficit desproporcional den nos presupuestonan cu a conduci na un KB na 2014 y implemenatcion di supervision financiero riba Aruba na 2015. Si e no por haci su trabao di controla su gobierno y pesey kier un ley di Reino di supervicion, djis sali pafo y bisa of tuma bo retiro paso bo persona no tin e corahe pa para bo mesun Gobierno y ta honesto cu pueblo di sali bisa cu ley di Reino ta bon pa controla Mike Eman y FUTURO pero en cambio

ta keda purba manipula mente cu ta miedo. Aruba actualmente tin bon maneho financiero laga atras y unda pais Aruba tin surplusnan di 500 miyon of mas, 4 aña consecutivo presupuesto entrega na tempo, jaarrekeningnan te 2023 entrega pa haal in e retraso.

Unico tarea cu mester a haci ta wak con ta adapta e LAft y ancla normanan nobo y baha e interes di e debe di mas chikito di pais Aruba pa yuda den un pandemia den un contracto conforme tur debe di nos pais desde Status Aparte, pero un bes mas ta scoge e caminda facil di entrega pa falta di capacidad propio di control bo mesun gobierno y ta pidi Hulanda y 150 parlamentario Hulandes pa haci e trabao pa e parlamentarionan di AVP y FUTURO .

Esaki ta yama Brevet van Onvermogen.

GABINETE AVP-FUTURO TA TRECE SOLUCION PA E BARIO DI MABON COMPLEX

Atencion na e necesidad di e comunidad ta algo cu Gabinete AVP-Futuro tin ancla den nan acuerdo di gobernacion. Durante accion di limpieza na Mabon Complex, e habitantenan a acerca Prome Minister mr. Mike Eman cu nan preocupacionnan pero tambe ta propone posibel solucionnan pa e retonan cu nan ta enfrenta den nan bario.

No mucho siman pasa, durante accion di bario, Sharisa Ras, habitante di Mabon Complex, a vocifera su preocupacion riba un pasada cu tin masha tempo

descuida. E tabatin un peticion na Prome Minister Eman, si tabata posibel cu por haci un limpieza pero tambe un adaptacion na e area aki pa asina e por bira accesibel, den un forma mas sigur, na e habitantenan cu ta haci uzo di e pasada aki.

Hopi ta esnan cu ta tuma e ruta aki, via e pasada, pa yega na e parada di bus of un caminda mas cortico pa yega cas. Tin algun cu den ora di marduga ta uza e pasada, cual ta scur, hopi inclina y ta crea un peliger pa e usarionan mes. Ademá no por uza e pasada aki na momento di yobido, como cu e ta slip y ta insigur

pa mayoria habitante di e area. Asina mes hopi ta riesga pasando riba e pasada aki, pa evita di bay pasa full rond.

Prome Minister Eman a acerca e departamento concerni, cual ta DOW, pa asina hunto yega na un solucion pa e incomodidad diario cu e habitantenan ta pasa aden. Mesora nan a presenta y brinda un opcion pa solucionar e pasada den Mabon Complex.

A opta pa un trapi, traha di palo duradero, hancha den forma di plataforma. Habitante tambe a sugeri algo cu por tin step nan



hancha y largo pa esnan di mas edad por baha sin dificultad. E idea nan a tume cu man habri.

Pa locual ta iluminacion, esaki tambe ta peticion cu a haya oido y pronto e pasada di Mabon Complex lo haya un bista nobo y teniendo na cuenta e necesidad di su habitantenan.

JEEP A PEGA DEN SALIÑA NA MALMOK MAINTA TEMPRAN



Diabierna mainta un chauffeur mester a busca vehiculo a keda pega den e saliña na Malmok, e ayudo pa asina logra saca e vehiculo for di e lodo.

PREVENCION DI CRIMINALIDAD HUBENIL TA PUNTO DI PRIORIDAD DURANTE JVO NA HULANDA

Minister di Husticia di Aruba, mr. drs. Arthur Dowers recientemente a biaha pa Hulanda pa asina atende diferente reunion importante pa locual ta trata cooperacion entre Hulanda y paisnan den Reino. Durante e Justitieel Vierlanden Overleg (JVO), a Ministernan di Husticia a aproba e propuesta pa un cooperacion mutuo entre e paisnan den Reino. Durante e JVO, a aproba pa bin cu trayectonan den un forma mas estrecho. E ultimo JVO a tuma luga na Aruba dia 19 di juni 2025 na Aruba. E Justitieel Vierpartijenoverleg ta un encuentro strategico entre e ministerionan di Husticia di Aruba, Corsow, Sint Maarten y Hulanda, pa trata topiconan comun riba nivel hudicial.

Un di e puntonan di prioridad cu a keda atendi durante e JVO na Hulanda ta Jeugdcriminaliteit. Durante di e tripartite a dialoga riba temanan manera criminalidad entre hobennan, posicion y violencia di arma entre hobennan y violencia cu arma na nivel regional. Ademá a dialoga riba e retonan cu personanan indocumenta, cual tur tres pais den Caribe ta alinea cu e necesidad pa un maneho nobo pa yuda elimina entre otro abuso laboral di esnan

indocumenta. Durante e JVO na Hulanda, Commandeur Hansen di Kustwacht Caribe a duna un presentacion amplio di e situacion den region Caribense. Aki Commandeur Hansen a presenta e resultadonan di e cooperacion y e maneho cu tin pa proteha nos awanan teritorial. Tambe a toca e punto di mensenhandel/mensensmokkel. A presenta un raport amplio di e progreso riba e trabounan haci te na e momento aki. Durante e JVO, a enfatisa riba e impotancia di e combatimento di e fenomeno aki y lo sigui haci esfuerso maximo pa implementa recursonan disponibel pa sigui amplia e trabounan. Ademá a dialoga riba tereno di detentiewezen pa cual a dicidi pa fortifica e cooperacion. Riba tereno di cuido forensico a aproba e propuesta pa un cooperacion mutuo cu e paisnan den Reino na unda lo bin cu trayectonan pa mehora e cuido pa esnan cu cierto limitacion cu ta cay den man di husticia pa evita recidivismo. Tambe a acorda cu lo bay enfoca riba "ondermijning" den un forma mas estrecho cu mas enfoke riba crimennan cu ta destabilisa nos paisnan. Finalmente a aproba pa sigi



cu e trayecto pa tin mas Ministerionan Publico y ta por tin un representacion di officier local pa e diferente bay sondea e posibilidad pa Caribe den Hoge Raad.

CELULAR TA OCASIONA INSOMNIO

Di no por descansa bon of lo necesario, ta un problema mas habitual di loke nos ta kere. Insomnio y stress ta dos di e patologicianan cu ta generando mas preocupacion den e siglo 21 cu nos ta bibando aden.

Nos a para pa pensa dicon? Kisas ta debe na nos ritmo di bida, pa tin un agenda semper repleto di actividad, na no sa con pa ta cu nos mes of na abusa di aparatonan tecnologico y electronico.

Entre e ultimonan aki, un di e esunnan mas comun ta celular. Cada biaha nos ta duna nan mas uzo y ta dificil cu cualkier adolescente no pidi pe.

E manera nobo aki di comunica tin hopi bentaha, pero na ora di drumi, por ta e no lo ta un gran aliado.

Tecnologia no ta laga nos drumi Kico ta lo ultimo cu bo ta wak prome cu paga luz y cera bo wowonan? Hopi di boso lo responde.... E Celular!

Esnan cu no por biba sin su smartphone mester sa, cu si ta bon, e ta bon pa hopi cos; tur cos den exceso ta contraproducente. Y e aparato aki no ta libra, ya cu uza den oranan laat di anochi, por causa insomnio. E uzo di cualkier herment electronico cu tin un pantaya luminoso minuutnan antes di drumi (of purba di concilia soño), no ta permiti e cerebro pa trankilisa y descansa manera cu mester ta.

Esey tabta e conclusion cu varios estudio a yega na dje, entre nan di e Instituto Politecnico Rensselaire di New York (Merca).

E exposicion prolonga na aparatonan tecnologico manera e celular, television of tablet, ta afecta e nivelnan di hormoonnan regulador di e ciclonan di soño, e melatonina.

Tur cos ta debi na e luz blanco y briyante emiti pa e dispositivonan aki. Aunke cu nos paga e pantaya y e briyo ta regula, e nivelnan di melatonina ta reduci den un 25%. Riba su mes nos no ta haci eskai. Asina ta, e ultimo bista riba bo email, rednan social of television ta perhudica e nivelnan cu nos no ta conciente di dje.

Celular ta afecta e sistemanan encarga di regula e ritmonan



circadiano. Esaki ta referi na e cambionan fisico y mental cu ta produci relaciona cu e luz solar y scuridad.

Si nan ta bon regular, nos lo tin soño durante anochi y nos lo ta mas alerta pa sali den solo.

Insomnio tecnologico ta preocupa dokternan

E malo nobo cu pashentnan cu ta yega na oficinanan di dokter, ta keha di dje, ta conoci como "insomnio tecnologico" y ta provocando e abuso di internet prome cu drumi.

Mas leu di e luminosidad di e pantaya, tambe nos tin cu tene na cuenta cu e ondanan electromagnetica cu e dispositivonan ta manda.

Mescos cu adiccion, cu nos tin pa usa e celular net prome cu drumi. Den e hospital Casa de Salud de Valencia (España) a realiza un investigacion unda cu ta sigura cu check e pagina di Facebook, mira un video riba YouTube of comproma un mail prome cu drumi, ta corta e oranan di soño y ta afecta e calidad di descanso.

E uso nocturno di internet y di e aplicacionnan cu nos tin riba e celular (manera por ehempel, weganan) ta laga e cerebro den estado di alerta.

Esaki ta haci cu lo mester di hopi tempo pa "bolbe na normalidad" y compronde cu ta ora di drumi.

Ta sosode mesun cos cu si nos come sucu of bebe koffie despues di cuminda. Nos ta precisa di dos ora adicional pa concilia soño.

Ademas, durante anochi nos por lanta di golpi, tin pesadiya y drumi den posicionnan cu despues ta provoca dolornan di lomba y nek. Neurofisiologonan di e hospital aki ta recomenda pa desconecta di cualkier aparato electronico, por lo menos, un ora prome cu nos drumi, paga e router y laga e celularnan p'afo di e camber durante anochi.

Rednan social ta provoca insomnio

No ta culpa di Facebook, di Instagram ni di Twitter, esey ta bon cla. Sino di nos forma di relaciona cu e plataformanan aki. Segun un experimento cu a tuma lugha pa specialistanan di e Universidad di Boston, a yega na e conclusion cu e red social di e parha blauw y di 140 caracter ta ta esun cu mas ta relaciona cu insomnio y e problemanan pa concilia soño.

Dicon? Pasobra usuarionan ta conecta practicamente henter dia (incluyendo anochi) y sa publica entre 6'or di atardi y 10or di anochi. E piek di e publicacionnan ta 9'or.

E informe, ademas, ta indica cu e dia cu mayor insomnio di siman ta diaranson. Esaki ta debi, segun cu nan ta splica, cu ya nos a pasa e mayor parti di e dianan laboral y nos ta demasiado "acelera" cu asina tanto obligacion.

Koffie y refresco di cola ta e bebidanan mas consumi pa e Tweeters cu insomnio. Ambos ta contene cafeina, cu ta un

substancia causante di e sensacion di euforia of alerta pa e cerebro.

No obstante, e internautanan di e estudio a afirma cu su rasonnan pa no por drumi ta bata "pensa hopi," "nabega riba Twitter," "usa e celular durante hopi ora" y "wak television."

Aplicacionnan contra insomnio?

E por zona nos algo straño y contradictorio cu nos por uza e celular hustamente pa por concilia soño.

Esaki ta un bon manera pa nos no wak e aparato imprescindibel aki como un enemigo. Tecnologia por ta beneficioso of perhudicial, segun con, pakico y cuanto nos usanan. Nos por haya den tiendanan online di Android y iOS diferente aplicacion cu ta combati (aparentemente) e insomnio:

Sleepbot

E por monitorea e descanso di e usuario atraves di sensornan di movimiento y microfono di e aparato.

E ta graba e roncamiento of zonidonan di ambiente pa defini e calidad di soño y ta inclui un alarma cu ta lanta nos si nos a pasa nos ora di descanso.

White Noise

E aplicacion aki ta yuda nos drumi rapidamente atraves di musica y zonidonan relaciona cu relajacion y descanso.

Ta manera cu nos ta den un spa of den un tempel budista Tambe e ta ofrece un alarma suave pa lanta nos den bon beis.

Sleep Better

Tras di analisa bo soño, ta ofrecebo un rutina pa prome y despues di drumi. E ta basa riba e estado di animo di e usuario y den e actividadnan cu esaki ta wordo realiza parti atardi y anochi.

Purba lesa, dal un baño relajante, haci algun tipo di ehercicio suave manera yoga prome cu drumi.

Lo bo wak con rapidamente e nivelnan di activacion cerebral ta descende y con esaki ta repercuta den bo nivel di relajacion corporal.

No obstante, si e insomnio ta persisti, ta preferibe pa bo consulta bo dokter.

PRONTO SEMELEERSTRAAT LO TIN SU SCOL DI MUSICA 'E PORTA PA HARMONIA'



Diahuebs, den ora di merdia, Prome Minister di pais Aruba mr. Mike Eman a bishita Semeleerstraat na Noord pa inspecciona e progreso y remodelacion tumando lugha pa locual

ta trata "E Porta pa Harmonia". Durante di e prome Accion di Bario, Prome Minister Eman hunto cu diferente instacia/departamento a bin hunto pa duna e

bario di Semeleerstraat e atencion necesario, despues cu e Gobierno anterior a negligisha practicamente tur bario rond di Aruba.

Diahuebs merdia, e prome mandatario a bishita e proyecto den Semeleerstraat cu lo bira e scol di musica "E Porta di Harmonia", pa e follow up y mira con e trabaonan ta avansando.

Premier Eman ta contento di mira e progreso, ta anticipa cu den



aproximadamente dos pa tres siman lo finalisa cu e proyecto cu lo bira un scol di musica den e curason di e bario di Noord y accesibel pa henter e bario.

Tin un interes grandi, y vision y planificacion di Gabinete AVP-Futuro ta pa mehora e calidad di bida den cada skina di nos pais, mas aun den areanan cu tin mas reto y necesidad. Prome Minister Eman a gradici FCCA como tambe e contratista pa ehecucion di e proyecto.

Intencion ta pa logra den e cuarenticinco barionan di FCCA, pa mira e recuperacion for di e abandono y deterioro cu a tuma lugha pa tanto aña. E presencia y atencion di gobierno ta hustamente pa reactiva e barionan y

encurasha e habitantenan pa transforma nan bario den un bario feliz y harmonioso pa biba.

Ademas di esey, pronto lo mira proyectonan di renobacion den un scala mas grandi tuma lugha, manera entre otro den e bario di Bushiri, De Vuyst, MFA San Nicolas como tambe e proyecto di revitalisacion di Bernhardstraat.

Prome Minister Eman tambe ta consciente cu di parti oposicion tin critica riba e accionnan tumando lugha den bario. E ta logico mirando cu pa casi ocho aña e abandono ta bisto den mayoria di bario. Ta un tristesa enorme pa mira e barionan social den tanto deterioro.

HOTLINE

SOLO Di Pueblo

744-0444

CAPT'E Y MAND'E

Clasificados

Icons representing various services: car, house, shopping cart, briefcase, tools, and people.

CLASSIFIEDS

SOLODIPUEBLO@GMAIL.COM

CEL. 585 9500

SOLO Di Pueblo

Curso Dominio di Idioma 2026/2027 di Fundacion Corector di Papiamento

Mirando e interes cu tin y a peticion general, Fundacion Corector di Papiamento (FCP) ta bolbe organisa e curso Dominio di Idioma. E prome curso, cu a finalisa na juli ultimo tabata un exito total y nos por conta cu 20 graduado cu a termina e curso cu exito. E curso ta duna pa 3 docente di Papiamento, Sra. Lilian

Hernandez, Sra. Rubiela Bernabela y sosteni pa Sra. Magriet Pourrier. E curso di Papiamento aki ta dirigi riba esnan cu ta interesa pa skirbi y papia Papiamento corectamente.

E curso ta consisti di 4 modulo di 13 les cada un y e lesnan lo tuma luga na Biblioteca Nacional Aruba

(BNA) riba diasabra di 9:00 di mainta pa 12:30 di merdia. Durante e curso lo enfoca riba: habilidad di skirbi, lesa, papia y scucha. Tambe lo siña revisa texto y con pa aplica regla di ortografia, gramatica y sintaxis.

Costo di e curso ta AWG 500 pa cada modulo, cu ta

encera tambe material pa les. Despues di cada modulo lo ricibi un certificado y na final lo haya un diploma reconoci door di Examenkamer di Hulanda. E curso mes lo cuminsa dia 13 di januari 2026.

Pa drenta e curso e interesado mester pasa un test di admision pa

determina si e tin e conocimiento basico di ortografia y gramatica di Papiamento.

Fecha di e test: diasabra 25 di october 2025

Orario: 9:00 di mainta pa 12:00 di merdia

Luga: Lokaal na EPI (Venusstraat #3)

Costo di e test AWG.25,=

Danica Delamore a gana e rifa di Taekwondo Team Aruba

Taekwondo Team Aruba a rifa un Full HD TV di 32" pa recauda fondo pa e atletanan por biaha

Internacional pa representa Aruba dignamente.


Tur atleta cu ta train na Taekwondo Team Aruba ta haña rifa pa nan bende pa yuda pa nan biahenan Internacional. Solamente e adultonan di Taekwondo Team Aruba ta para ariba e Brug di Renaissance pa collect.

E placa ta wordo usa solamente pa e coach y e atletanan di Taekwondo Team Aruba.

Tur otro cu kier biaha cu e team mester regla nan mesun cosnan.

Master Alberto Klaber a bende Señora Danica Delamore e number 0540 cu a sali Diadomingo den Sorteo di Aruba.

Master Alberto Klaber a entrega e Full HD TV na



e yiu homber di Danica Delamore.

Taekwondo Team Aruba ta hopi contento cu nan gana e television.

Taekwondo Team Aruba su proximo rifa ta pa gana AWG 1000 cash. Number ta disponibel na e atletanan di Taekwondo Team Aruba.

Media Team
Taekwondo Team Aruba

Clasificados










SOLODIPUEBLO@GMAIL.COM

CEL.585 9500



Paga bo cuenta online ta facil



Sea
Abonnement
of Aviso

Pago online,
facil y lihe

Pa hasi pago online pone number y adres na
cuenta di banco RBC Sunmax Printing
account # 7700000100152447

GOBIERNO DI ARUBA A FIRMA MOU PA DESAROYO ECONOMICO SOSTENIBEL



Diabierna atardi, Prome Minister mr. Mike Eman hunto cu Minister di Turismo mr. Wendrick Cicilia, a reuni cu representantenan di Aruba Hotel and Tourism Association (AHATA), Vacation Rental Professionals of Aruba (VPRA), Aruba Association of Realtors, Aruba Port Authority (APA), Aruba Airport Authority (AAA), y Aruba Tourism Authority (ATA). Reconociendo e papel central cu turismo tin den desaroyo economico y social di Aruba y mirando e retonan cu nos isla ta enfrentando riba nivel ambiental, social, infrastructural y economico, Gobierno di Aruba ta haya prudente pa bin cu accion pa cambia e manera di procede. E encuentro cu e stakeholdernan a culmina cu firmamento di un MOU den cual ta haci

e compromiso pa busca forma pa haci e cambionan necesario pa un economia mas sostenibel. Cu e compromiso mutuo pa e bon comun, sostenibilidad y bienestar di pueblo Arubano, Gobierno di Aruba y e stakeholdernan presente, a acorda pa establece un compromiso comparti pa participa den un proceso structura di dialogo y colaboracion, cu e obhetivo pa desaroya maneho, acuerdo y iniciativa conhunto pa sigura un caminda mas sostenibel pa futuro di turismo na Aruba. Esnan cu a firma e MOU ta Prome Minister Eman, Sra. Tisa LaSorte Henriquez di AHATA, Sr. Alex Cybul di VPRA, Sra. Ronella Croes di ATA, Sr. Jurgen Benschop di Triple A y Sr. Bruce Franken di APA y Sra. Cindy Ruittemanz di Association of Aruba Realtors



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - September 12, 2025

 Sorteo # 4740 8387 8765 5668  FP  Sorteo # 4740 5624  X2  Sorteo # 2796 6165  Sorteo # 4740 9683 Acuario  Sorteo # 1614 201  X2	<table><tr><th>Sorteo #</th><th>Joker</th><th>Letter</th></tr><tr><td>0 x Jackpot</td><td colspan="2">Proximo Jackpot</td></tr><tr><td>0 x Match 4+</td><td colspan="2">675.000,-</td></tr><tr><td>0 x Match 4</td><td colspan="2"></td></tr><tr><td>0 x Afl. 12,00</td><td colspan="2"></td></tr></table> <table><tr><th>Sorteo #</th><th>Proximo Jackpot</th></tr><tr><td>0 x Jackpot</td><td rowspan="3">54.000,-</td></tr><tr><td>0 x Match 4</td></tr><tr><td>0 x Afl. 8,00</td></tr></table> <table><tr><th>Sorteo #</th><th>Mega Ball</th></tr><tr><td>0 x Jackpot</td><td rowspan="5">1.250.000,-</td></tr><tr><td>0 x match 4</td></tr><tr><td>0 x Afl. 500,00</td></tr><tr><td>0 x Afl. 50,00</td></tr><tr><td>0 x Afl. 15,00</td></tr></table> Afl. 1.925.000,- <table><tr><th>Sorteo #</th></tr><tr><td> </td></tr><tr><td> </td></tr><tr><td> </td></tr></table>	Sorteo #	Joker	Letter	0 x Jackpot	Proximo Jackpot		0 x Match 4+	675.000,-		0 x Match 4			0 x Afl. 12,00			Sorteo #	Proximo Jackpot	0 x Jackpot	54.000,-	0 x Match 4	0 x Afl. 8,00	Sorteo #	Mega Ball	0 x Jackpot	1.250.000,-	0 x match 4	0 x Afl. 500,00	0 x Afl. 50,00	0 x Afl. 15,00	Sorteo #				
Sorteo #	Joker	Letter																																	
0 x Jackpot	Proximo Jackpot																																		
0 x Match 4+	675.000,-																																		
0 x Match 4																																			
0 x Afl. 12,00																																			
Sorteo #	Proximo Jackpot																																		
0 x Jackpot	54.000,-																																		
0 x Match 4																																			
0 x Afl. 8,00																																			
Sorteo #	Mega Ball																																		
0 x Jackpot	1.250.000,-																																		
0 x match 4																																			
0 x Afl. 500,00																																			
0 x Afl. 50,00																																			
0 x Afl. 15,00																																			
Sorteo #																																			

WINTER CROSSWORD

1

2

3

4

5

6

7

8

9

10

11

12

13

14

15

16

17

ACROSS

2) Frozen spike

7) Winter sculpture

8) Present day?

14) Winter coasting

15) Hearth

16) Rudolph and teammates

17) Winter ____ Games

DOWN

1) White Rabbit's milieu

3) Hot chocolate

4) Winter outerwear

5) Icy coating

6) Rink dancing

7) Neck wrap

9) Snow remover

10) Aspen activity

11) Small shake

12) Stanley Cup sport

13) Uncomfortably cool

SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			

Oracion di dia

Un feliz dia bendiciona yena cu gracia di Dios

”Lo Bo ta sacerdote pa semper na e mesun manera cu Melkisedec.”
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion:Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salvacion.
Amen

BON NOTICIA

E ISRAEL NOBO DI DIOS TATA, PA MEDIO DI E ALIANSA NOBO DI CRISTO-HESUS

Bijbel Exodo 24: 7- 8, den e Evangelio aki, Dios Tata a cera e prome Aliansa cu e pueblo di Israel, pa medio di Moises. Bijbel 2 Samuel 7: 16, den e Evangelio aki, Dios Tata a eligi David, pa bira e prome Rey di Israel. Dios Tata a priminti Rey David cu su sucesornan, nan lo ta pa semper encabesa e Reino di Dios. Bijbel Mateo 26: 26 – 28, den e ultima cena Hesus a bisa Su apostelnan: “Boso tur bebe for di e copa di binja aki, esaki ta Mi Sanger, e Sanger cu ta confirma e Aliansa cu Mi ta derama pa hopi hende, pa pordon di pikanan.” Akinan Hesus ta confirma Su Sacrificio y morto na crus, deramando Su Sanger precioso, pa e Aliansa Nobo di Dios Tata, cu ta e pueblo Nobo di Israel. Bijbel Lucas 1: 32 – 33, ta bisa: “Senjor Dios lo duna Hesus e trono di Su antepasado Rey David y te den eternidad lo E ta Rey di e descendientenan di Jacob y Su Reino lo no tin fin.” Bijbel Mateo 16: 15 – 19: “Hesus a puntra Su apostelnan: Anto boso mes, ta ken boso ta bisa Mi ta? Simon a contesta: Bo ta E Mesias, E Yiu di Dios bibo! Hesus a bis’e: Felis bo ta Simon yiu di Huan, pasobra no ta hende a revela bo esaki, ma Mi Tata cu ta den Cielo. Mi ta bisa bo: Abo ta Pedro (o sea baranca) y riba es baranca aki, lo Mi lanta Mi Iglesia y forsan di fierno lo no podera di dj’e. Lo Mi duna bo e yabinan di Reino di Cielo y loke bo prohibi na tera, ta prohibi den Cielo tambe y loke bo permiti na tera, lo ta permiti den Cielo tambe.” Akinan Hesus ta bisa bon cla, Mi Iglesia, osea un solo Iglesia y no Iglesiasnan. E demonionan den fierno lo lanta diferente sectanan na mundo, pa

podera y pa kibra e Iglesia di Hesus, pero nan lo no logra. Hesus a duna Simon e nomber Pedro, cu ta significa baranca, cabes visibel di Su Iglesia. Hesus a duna Pedro e yabinan di Reino di Cielo y esaki ta significa, cera y habri e unico portanan pa laga e almanan drenta den Reino di Cielo. Den e unico Iglesia Universal di Cristo-Hesus, tin e yabinan di e portanan di Reino di Cielo. Hesus a duna e autoridad na Pedro pa dirigi Su Iglesia, di loke ta permiti y di loke ta prohibi. Bijbel Marco 16: 15 – 16, aki Hesus ta bisa Su apostelnan: “Sali pasa na henter mundo y predica e Evangelio pa henter humanidad.” E palabra, sali pasa na henter mundo y predica e Evangelio pa henter humanidad, ta significa, Universal, Hesus Su Iglesia ta Universal. E Iglesia Universal di Hesus, ta e pueblo Nobo di Israel di Dios Tata den e Aliansa Nobo. Awor, tur hendenan, sectanan y e Hudianan mes, nan mester kere den Cristo-Hesus y nan mester drenta y bautisa den E Iglesia Universal di Hesus, pa nan por drenta den e Reino di Cielo. Hesus a duna Su apostelnan, Su doctrinanan di Gracianan di salvacion pa Su Iglesia: Bautismo Mateo 28: 19 – 20, Confirmacion Echonan di Apostelnan 2: 1 – 4, Confesion Huan 20: 23, Eucaristia Lucas 22: 19 – 29, Matrimonio Mateo 19: 4 – 6, Apostolado Marco 3: 13 – 19, Enfermonan Hacobo 5: 14 – 15. Awor puntra bo mes, ta di con tin tanto sectanan na mundo y mientras ta un Iglesia Hesus a lanta? Na anja 1521, Martin Luther o un frere, teologo aleman, pero Martin Luther a bira protestant, contra di e

Iglesia Universal di Cristo-Hesus. El a inventa e teoria di e interpretacion liber di Bijbel. E interpretacion liber aki, a produci 36.000 diferente sectanan y oposicionnan na mundo. Tur e sectanan aki, ta pretende di ta di Hesus. Durante tempo a trece hopi division y hopi di nan a lanta nan mesun religionnan, sectanan y predicando e Bijbel den nan mesun manera y buscando hendenan debil den fe pa sigi nan. di Bijbel Echonan Apostelnan 20: 28 – 30, carta di San Pablo na su coleganan Apostelnan: “Cuida boso y di henter e rebanjo na cual Spirito Santo a pone boso como Obisponan pa warda e Iglesia di Senjor, na cual E’l a gana cu Su propio Sanger. Mi sabi cu despues di mi partida, lo drenta lobonan feros cu lo no tene compasion cu e rebanjonan y cu denter di boso mes, lo surgi hendenan cu lo sinja doctrinanan robes y nan lo gana discipelnan nan tras.” Ta manera cu Hesus a bisa den, Bijbel Mateo 16: 18, cu forsan di fierno lo purba podera y kibra e Unico Iglesia Universal di Hesus, pero nan lo no logra. Bijbel Revelacion 21: 10-14, ta bisa bon cla, di e ciudad Santo di Herusalem tabata bahando di Dios for di Cielo, briyando di Dios Su Gloria.

E muraya di e ciudad tabata tin diesdos piedra di fundeshi grandi y riba esakinan e diesdos nomber di e diesdos Apostelnan di E Lamchi tabata scirbi. Esaki ta e diesdos Obisponan di e Iglesia Universal di Cristo-Hesus. Husga pa bo mes, si bo ta den un Iglesia corecto pa bo salvacion. Nunca no ta laat pa compronde e berdad y pa comberti.

EXHIBICION di Women’s Club of Aruba – 17 di september 2025

Pa: Omaira Silva – Chairman di Comision di Historia & Preservacion
8 di september 2025
Directiva, comision di Historia & Preservacion, y miembronan di Women’s Club of Aruba (WCA) cu orguyo ta presenta un exhibicion special marcando asina e comienso di nos di 91 aña di servicio na comunidad.
Durante e aña cu a pasa, di september 2024 te cu september 2025, nos a celebra nos di 90 aniversario cu un serie di evento memorabel, proyectonan, y recaudacion di fondo cu a haci nos miembrecia fuerte y a apoya nos comunidad. Cu e mesun entusiasmo y compromiso, nos ta embarca awo den e siguiente capitulo di nos biahe.
Bou di e liderazgo di chairman Omaira Silva, e comision di Historia & Preservacion a traha intensamente den e archivonan pa prepara e exhibicion aki. Aña pasa, riba 18 di september 2024, nos a presenta formalmente nos archivonan original (1934-1960) na Biblioteca Nacional Aruba, Departamento Arubiana/Caribiana. E exhibicion di e aña aki ta traha riba e fundeshi ey door di presenta nos archivonan fiscal y memorianan di cada presidente y su directiva, y

documentando hopi proyecto, actividad y evento di nos. E exhibicion aki no solamente ta refleha nos historia rico, pero ta sirbi tambe como un brug pa futuro, ora nos ta cuminsa cu nos di 91 aña.
E exhibicion lo habri oficialmente diaranson, 17 di september 2025, pa 4:00 p.m.
Nos Miembro Honorario, Sra. Hanneke Boekhoudt, hunto cu nos Presidente, Sra. Reina Geerman, cu apoyo di Chairman y miembronan di e comision di Historia & Preservacion, lo dirigi e ceremonia.
Lo tene e exhibicion na Biblioteca Nacional Aruba, situa den George Madurostraat, y e lo keda habri pa publico diahuebs, 18 di september y diabierna, 19 di september durante oranan regular di biblioteca..
Calurosamente nos ta invita tur miembro, ex-presidente, ex miembro, amigo, famia, y publico en general pa bishita e exhibicion y descubri e legado, logronan, y futuro briyante di Women’s Club



Bob’s Car-wash & Service

Balashi 9 B



Cell.# 560-8568
1 Snack Free